

## Christliche Leichpredig.

wie in der Offenbarung Johannis steht cap. 3. Also das  
siebedünckel / oder Bibel sey finster / dunkel vnd vnvol-  
kommen / darah hat die H. Schrift nicht schuld / sonder der  
Sathan / vnd des Menschen eigene bosheit vnd blindheit /  
denn der Mensch ist von Natur in Götlichen vnd Geiste-  
lichen sachen blind vnd vnwissend / wie der Apostel schrei-  
bet Epheser 4. Ihr verstand ist verfinstert / vnd sind ent-  
fremdet vom Leben das auch Gott ist durch die vnwissen-  
heit so in ihnen ist / vnd durch die blindheit ihres Herzens / Es  
lieset wol mancher in der Bibel / aber er begeret keinen ver-  
stand darauß zu nehmen / sondern trägt nur seinen verstand  
hinein / als wann er etwann einen Irthumb in der Jugend  
gefasst hat / so suchet er in der Bibel wie er solchen Irthumb  
beschützen vnd vertheiligen möge / zucht offte die Schrift  
mit den Haaren auff seine seiten / darumb so bleiben solche  
Leuth in ihrer natürlichen blindheit stecken / sie fahren ihren  
Vätern nach / vnd sehen das Lich nicht mehr / sagt der  
49. Psalms.

A! wie möchte nun einer gedencken vnd sagen / ja lieber  
Prediger / du sagst wol ihr nehmet nichts an / es sey dann in  
Gottes Wort außdrücklich begriffen / nun aber ist offenbart  
das ihr auch etliche Ceremonien vnd Kirchen gebräuche  
habt / die doch nicht in der Bibel geschriben stehen.  
Hierauff antworte ich / Höre lieber Mensch / ich habe  
gesagt von der Lehr / vom Glauben / vom Fundament vnd  
grund der Seligkeit / vnd nicht von den Ceremonien vnd  
Kirchen gebräuchen / die halten wir für frey Mittel ding / wir  
lassen vns damit die Gewissen nicht fangen oder binden  
vnd das wegen der Christlichen Freyheit / die vns der Herr  
Jesus erworben hat / davon der Apostel sagt / zum Galata